

**Meeqqat atuarfiat pillugu Inatsisartut peqqussutaata allanngortinneqarnera pillugu
Inatsisartut peqqussutaat nr. xx,xx. Xx2009-imeersoq pillugu siunnersuut
(Perorsaanermut aamma tarnip pissusaanut tunngasunik siunnersuinerup kommuninut
suliassanngortinneqarnera)**

Pillugu

**Kultureqarnermut, Ilinniartitaanermut, Ilisimatusarnermut Ilageeqarnermullu
ataatsimiititaliap**

ISUMALIUTISSIISSUTAA

**Aalajangiiffigissassatut siunnersuutip aappassaaneerpeqarnissaanini
saqqummiunneqartoq**

Kultureqarnermut, Ilinniartitaanermut, Ilisimatusarnermut Ilageeqarnermullu ataatsimiititaliaq suliarinninnermini ukuninnga inuttaqarpoq:

Juliane Henningsen, Inuit Ataqatigiit

Harald Bianco, Inuit Ataqatigiit

Andreas Uldum, Demokraatit

Malik Berthelsen, Siumut

Naja Petersen, Atassut

UKA2009-i ulloq 7. oktober 2009 Kultureqarnermut, ilinniartitaanermut, Ilisimatusarnermut Ilageeqarnermullu ataatsimiititaliaq siunnersuummik misissuataarinnippoq.

Siunnersuutip imarisai

Suleqatigiissitap KANUKOKA-mit kiisalu Kultureqarnermut, Ilinniartitaanermut, Ilisimatusarnermut Ilageeqarnermullu Naalackersuisoqarfimmit inuttaqartup innersuussutigivaa, perorsaanermut aamma tarnip pissusaanut tunngasunik siunnersuinerup (PPR) kommuninut tunniunneqarnissaat. Aaqqissuusseqqinnermut ataatsimiititaliap isumaliutissiissutaanut atatillugu PPR-ip kommuninut tunniussinissamik innersuussineranut atatillugu suleqatigiissitaq pilersinneqarpoq.

Siunnersuut Inatsisartunit akuersissutigineqarpat tamatuma PPR-ip kommuninut tunniunneqarnissaanik kinguneqassaaq. Taamaattorli maluginiarneqassaaq atuutsitsilernissamut piffissaliisoqarsimannginnera siunnersuummi takuneqarsinnaanngimmat. Tamanna kingusinnerusukkut peqqussutissap nalunaarutigineqarnerani pisinnaassaaq. Piffissaliisoqarsimannginneranut pissutaavoq ataatsimut tapiissutit pillugit isumaqatigiinniarnert Namminersorlutik Oqartussat kommunillu akornanni suli naammassineqarsimanngimmata.

Inatsisartut siunnersuummik suliarinninnerat

suliassaqarfimmik tunniussinissaq Nunatta karsianut aningaasatuuteqarnerunermik kinguneqaateqanngitsumik pisinnaanissaa **Inuit Ataqaatigiit** qularnartoqartippaat. Taamaattorli suliassaqarfiup Namminersorlutik Oqartussanit kommuninut nuunneqarnissaa pillugu siunnersuummut Inuit Ataqaatigiit tapersiippat innersuusutigalugulu, tunniussinermut atatillugu aningaasaqarnikkut ajornartorsiutaasinnaasunut ataatsimiititaliaq upalungaarsimassasoq.

Ullumikkut meeqqat atuartinneqarnerannut kommunit akisussaafimmik tigummereermata PPR-imut akisussaaffik kommuninut nuunneqarnissaa pissusissamisoortutut **Siumumit** isigineqarpoq. Aammattaaq tunniussineq ingerlaannartumik pissanngitsoq Siumumit tapersernejarpoq.

kommunit PPR-imik tigusinissaat **Demokraatit** akornutissaqartinngilaat. Taamaattorli tunniussinerup kingorna PPR-ip sullissinermini qaffasissusaa pillugu malitseqartitsisoqassasoq Demokraatinit piumasarineqarpoq tassami tunniussinerup kingunerisaanik sullissinerup appariaateqarnissaa Demokraatinit akuersaarneqarsinnaanngimmat.

PPR-ip kommuninut tunniunneqarnissaa **Atassutip** taperserpaa. Tunniussinerli tunngavigalugu kommunit aningaasaqarnikkut artukkerneqannginnissat ilutigalugu erseqqissarlugu.

Kattusseqatigiit Partiata siunnersuut ataatsimut isigalugu tapersersorpaat atuutlernissaanulli piffissaliussap kommuninut tapiissutit pillugit isumaqatiginninniarnert utaqqimaarneqarnissaat pitsaasutut isigalugu.

Ataatsimiititaliap siunnersuummik suliarinninnera

Siunnersuummik atuutlersitsinissaq isumaliutissiissummik tunniussinermi pisinnaammat, kommuninut tapiissutit pillugit Namminersorlutik Oqartussat kommunillu

isumaqatigiinniarnarata utaqqimaarneqarnerat ataatsimiititaliamit maluginiarneqarpoq. Taamatut periuseqarnermut una tunngavilersuutigineqarpoq:

”Naalakkersuisut pingaartippaat aaqqissuussaannermut ataatsimiititaliap kajumissaataa malillugu Inatsisartut inatsisitigut tunngavissaqalernissaat, tassalu PPR-ip kommuninut suliassannortinneqarnissaa. Atuutsitsilernissamut piffissamik aalajangiisinnaanerup periarfissaqalersippaa isumaqatigiissusiortoqarsinnaanera kommunillu pitsaanerusumik suliassannortitsinerup tigunissaanut piareersarsinnaanerat”.

Aaqqissuussaannermut ataatsimiititaliap innersuussutaasa inatsitigut aalajangersarneqarnissaanik Naalakkersuisut kissaateqarnerat ataatsimiititaliap paasisinnaavaa. Siunnersuummili aningaasaqarnikkut sinaakkutissanik ilisimasaqannginneq ataatsimiititaliap sulineranut atatillugu naammaginnanngitsutut isigalugu. Maannakkulli aningaasaqarnikkut sinaakkusiussat iluini siunnersuutip piviusunngortinneqarsinnaanera pillugu Naalakkersuisut naliliisimanerat ataatsimiititaliamit taamaattoq ilisimaneqarpoq. Tamanna tunuliaqutaralugu siunnersuummik akuersissutiginninneq Namminersorlutik Oqartussanut aningaasartuuteqarnerulersitsissanngitsoq ataatsimiititaliamit naatsorsuutigineqarluinnarpoq.

Siunnersuut Inatsisartunit tamanit tapersersorneqartoq ataatsimiititaliap maluginiarpa. Aammattaaq siunnersuut ataatsimiititaliamit tapersersorneqarpoq. PPR-ip kommuninut tunniunneqarnerani kommunit suliniutaanni meeraq qitiutinneqarnerulernissaanik kinguneqassasoq ataatsimiititaliaq Naalakkersuisutullu isumaqarpoq.

Tunniussinerup kingunerisaanik PPR-ip suliaasa pitsaassusaasa appartinneqannginnissaata qulakkeerneqarnissaa pillugu PPR-imik kommuninut tunniussinerup nalilerneqarnissaanik Demokraatit siunnersuutaat ataatsimiititaliamit pitsaasutut isigineqarpoq. Taamaattumik Naalakkersuisut isumaliutissiissummut akissumminni oqaaseqaatiminni tassunga tapersiinnissaanik ataatsimiititaliap qinnuigissavai.

Aammattaaq PPR-ip kommuninut tunniunneqarneranut atatillugu suliat pillugit, matumani aningaasaqarnermut tunngasortai ilanngullugit ingerlaavartumik ilisimatinnegartarnissamik ataatsimiititaliaq qinnuteqarpoq.

Ataatsimiititaliap inassuteqaataa

Ataatsimiititaliap isumaqatigiittup siunnersuut oqaaseqaatitalik

akuersissutigineqartussatut inassutigaa.

Taama oqaaseqarluni Ataatsimiitialiap siunnersuut aappassaaniigassanngortippaa.

Juliane Henningsen

Siulittaasoq

Harald Bianco

Siulittaasup tullia

Andreas Uldum

Malik Berthelsen

Naja Petersen